

اللقاء (60) .. #وقفات مع سورة العنكبوت .. د . حازم شومان

حازم شومان

الدكتور حازم بسم الله والصلاة والسلام على رسول الله. الحمد لله وكفى وصلاة وسلاما على عباده الذين اصطفى. اخواني واخواتي ربنا يبارك فيكم وربنا يحفزكم. نحن الان في اللقاء السادس من لقاءاتنا مع سورة العنكبوت. وهنبدأ ندخل بقى في مواضع خطيرة جدا في المس للواقع اللي احنا عايشين فيه يا جماعة. احنا دلوقتي في اية خمسة - [00:00:00](#)

من كان يرجو لقاء الله فان اجل الله لات. احنا قلنا ان شعارنا في هذا اللقاء ومن جاهد فانما يجاهد لنفسه. نبدأ بقى من اول اية خمسة من كان يرجو لقاء الله فان اجل الله لات. وهو السميع العليم. يعني ايه من كان يرجو لقاء الله فان اجل الله لات - [00:00:30](#)

هنا في ثلاث معانيش. اول حاجة من كان يرجو لقاء الله اللي عايز يموت. اللي يتمنى ان هو هيموت. عايز يموت ليه؟ يعني ممكن من خوفه انه ما يقدرش اصبر على الفتن اللي هو عايش فيها. مش النبي عليه الصلاة والسلام قال ان هياتي زمان المؤمن هيمر على المقابر. يقول للميت يكلم الميت يا ليتني مكانك - [00:00:50](#)

اللي خايف على دينه يا جماعة في الواقع اللي احنا عايشين فيه ده بيبقى مرعوب. طب انا هاقدر اكمل ولا مش هاقدر اكمل! طب هاقدر اسبت ولا مش هاقدر اسبت! مرة كنت واقف ماشي مع احد اخواني - [00:01:10](#)

وهو طول الطريق انا خايف ما اسبتش انا خايف ما اقدرش اكمل. دخلنا المسجد ما فتح المصحف قعد يقرأ شوية لقيته جاي لي قاعد جنبي بيقول لي انا حاسس بكمية - [00:01:20](#)

لو اتوزع على وجه الارض يفيض اول ما قرأ صفحة من القرآن الكريم. يعني من كان يرجو لقاء الله اللي عايز يموت. وده غالبا عشان خايف انه ما يقدرش يصبر على الفتن - [00:01:30](#)

فان اجل الله لا ات. هتموت هتموت. الموت جاي جاي ولكن القضية وهو السميع العليم. يعني ربنا يسمع ما تقول ويعلم ما تفعل. انت هتقابل ربنا بايه انت جاهز انك تقابل ربنا ولا ما انتش جاهز انك تقابل ربنا. وده اسلوب غضب يا جماعة. على المعنى ده الاسلوب ده غضب. يعني يا اللي بتتمنوا الموت هتموتوا هتموتوا - [00:01:43](#)

ولكن انت عامل ايه الوقتي وانت عايش. انت قدمت ايه للدين؟ انت فرقت ايه مع الدعوة؟ انت قدمت ايه لدينك؟ اوعى تظن ان انت اللي كافل الدين. ربنا هو اللي كافلك - [00:02:03](#)

انت والدين زي بالزبط كده يقول لك مسلا حملة العرش لما يموتوا. طب مين اللي بيحمل العرش؟ يقول لك الله يحمل العرش ويحمل حملة العرش. سبحانه تعالى يبقى ده المعنى الاول من كان يرجو لقاء الله اي الموت فان اجل الله لات. الموت جاي جاي وهو السميع العليم - [00:02:13](#)

المعنى الثاني من كان يرجو لقاء الله ان يصدق بيوم القيامة. اللي عنده يقين. انت مصدقي في يوم قيامة! انت مصدقة ان ربنا هيجيب الجبابرة زلمة ، والحكام الطغاة وهيخليهم زي الحشرات تحت رجلين يتداسوا! انت مصدق! انت مصدق ان ربنا هيجيب كل الظالمين والمتجبرين واهل الباطل - [00:02:31](#)

اللي سجنوا اهل الحق وعذبوهم. وربنا هيووقفهم وهينتقم منهم لاهل الحق. انت مصدقة ان يوم القيامة جاي وربنا هيبعث الناس بعد ما بقوا تراب انت مصدق من كان يرجو لقاء الله اللي مصدق ان في اخرة فان اجل الله لات. من باب اولي يصدق ان وعود ربنا في الدنيا - [00:02:51](#)

اللي مصدق وعود ربنا في الاخرة يصدق وعود ربنا في الدنيا زي ما كنا بنقول يعني امتحن صلاتك امتحن صلاتك في الدنيا امتحن

صلاتك انك انت ادعي ربنا فيها بتفريج الكربات. طب لو كرباتك ما اتفرجتش في الدنيا بصلاتك. لو ما اتجوزتيش بسبب الصلاة. لو ما انجبتش بسبب قيام الليل - [00:03:11](#)

لو ربنا ما حل لكش مشكلتك بسبب الركعتين اللي قمت اتوضيت وصليتهم وتوسلت الى الله فيهم. الصلاة اللي ما حلتلكش مشاكل الدنيا هتحل لك مشاكل الاخرة العظيمة. مشاكل الدنيا حقيرة. امتحن صلاتك. عشان لو لقيت الدعاء ما استجبش يبقى غالبا صلاتك فيها مشكلة - [00:03:31](#)

غالبا الصلاة بتاعتك محتاجة انها تراجع. فهنا كده من كان يرجو لقاء الله اللي مصدق ان فيه يوم قيامة. اللي مصدق ان فيه اخرة فان اجل الله من باب اولي يصدق وعود ربنا ونصر ربنا في الدنيا. يعني المعنى النصر جاي جاي. وعلى هذا المعنى وهو السميع العليم يبقى معناها ايه؟ اللي في - [00:03:48](#)

المصحف طبعا كلکم فاتحين المصحف معه يا جماعة. طبعا كل واحد وواحدة قاعدين معه دلوقتي فاتح المصحف على صورة العنكبوت. صفحة تلتمية ستة وتسعين صاد تلتمية مية وستة وتسعين على اية خمسة ومتابع معي اية اية عشان نبقي مركزين والمفروض برضه ان ايه اخوانا بيكتبوا الاية قدامنا على الشاشة برضه عشان نبقي ايه آآ - [00:04:08](#)

نبقي مركزين في الاية. يبقى آآ وهو السميع العليم على المعنى الثاني معناه ايه؟ ان لما بنقعد نقول اللهم اهلك الظالمين. طب الاجابة بتتأخر ليه كأن ربنا بيقول وعود ربنا في الدنيا جاية. ونصر ربنا في الدنيا جاي - [00:04:28](#)

اوعوا اوعوا لما تدعوا ربنا وتلاقوا الاجابة بالتمكين اتأخرت اوعوا تتهموا الله سبحانه وتعالى. ده ده حكمة. ده ده لحكمة يعلمها الله وتعالى. المعنى الثالث من كان يرجو لقاء الله المشتاقون الى الله. المعنى الثالث ده معنى الشوق الى الله فان اجل الله لات. يعني ربنا بيعذب - [00:04:44](#)

المشتاقين الى رؤيته. بيقول لهم هتشوفوني بازن الله. هتشوفوني هتروني ولكن اصبروا حتى تلقوا الله سبحانه وتعالى وحتى تروا الله كده النبي عليه الصلاة والسلام لما كان يعدي جنب المقابر - [00:05:04](#)

يکلم الاموات يقول لهم انتم السابقون. وانا ان شاء الله بکم لاحقون. ده يعني ايه ان ان شاء الله بکم لاحقون؟ انت عارف اصحابك خلصوا امتحانات اخر السنة قبلك فقاموا طالعينهم مع الساحل الشمالي. فانت لسة لك امتحانين فقاعد تقول هل حقکم ان شاء الله؟ يعني ايه الحقکم؟ يعني انت حاسس ان هم سبقوك لحاجة جميلة. فالنبي عليه الصلاة - [00:05:17](#)

سلام يعني ببص للاموال كده انتم سبقتونا الى لقاء الله. سبقتونا الى الدار الاخرة. النبي عليه الصلاة والسلام يعني كان يشناق الى الله فده تعزي للمشتاقين يبقى من كان يرجو لقاء الله فان اجل الله لات ايه المعاني بتاعتها ثلاث معاني. المعنى الاول ان اللي عايز يموت سواء خوفا من الفتن او اللي عايز - [00:05:37](#)

الموت جاي جاي بس انت اشتغل. المعنى الثاني اللي مصدق ان فيه اخرة من باب اولي يصدق وعود ربنا في الدنيا. انت مصدق ان ربنا قادر انه يعمل كل اللي ربنا قال عليه في ايات الاخرة في القرآن. ومش مصدق ان ربنا قادر انه ينصر التيار الاسلامي في الدنيا. المعنى الثالث تعزية للمشتاقين الى الله. ان لقاء - [00:05:57](#)

لقاء ربنا جاي اصبروا واجتهدوا في الاعمال الصالحة عشان تفرحوا لما تلقوا الله سبحانه وتعالى. وشفتم ان معنى كلمة السميع العليم اختلفوا على حسب الثلاث معاني كل معنى من الثلاثة على حسب بقى معنى السميع العليم اللي هو خاتمة الاية غير المعنى الثاني وده من اعجاز القرآن وتنوع معاني - [00:06:17](#)

الاية الواحدة. الاية رقم ستة ومن جاهد فانما انما اقوى اداة حصر في اللغة. فانما يجاهد لنفسه ان الله لغني عن العالمين. يعني ايه يجاهد لنفسه؟ يعني لما واحد مسلا راح يشتغل مسلا - [00:06:37](#)

عقد عمل فهو تعبان فواحد بيقول له ايه انت بتشتغل لنفسك يعني ايه لنفسك؟ يعني انت لا تتخيل كمية المكاسب التي ستجنيها من وراء هذا العمل. يعني انت مش عارفة انت صبرك على النقاب في هذه الايام سوابه ايه؟ انت مش عارف انت صبرك على انك تتربى وتوصل لربنا في هذه الايام شكله ايه؟ انت مش عارفة - [00:06:54](#)

انت صبرك انك تشتغلي في الدعوة الى الله. انت صبرك انك تحفز القرآن. انت صبرك على طلب العلم. انت صبرك على فهم القرآن. انتم مش عارفين انتم سوابكم ايه بسبب صبركم على اللي انتم صابرين عليه ده. ومن جاهد فانما يجاهد لنفسه. يعني انت هتأخذ لنفسك كتير اوي. انت هتأخدي لنفسك رغم ان النفس هي اللي مش - 00:07:14

اه الحبسة بتاعة الدين والتكاليف بتاعة الدين انما النفس هي اكبر مستفيدة. اكبر مستفيدة في النهاية واكبر حد هيفرح في النهاية هو نفسك ومن جاهد يبقى الصورة بدأت بالكلام عن الجهاد وفي النهاية اخر اية فيها والذين جاهدوا فينا لنهدينهم سبلنا بدأت بالكلام عن الجهاد وختمت بالكلام - 00:07:34

زي سورة الحج كده. لازم لازم نوطن نفسنا ان الطريق من اوله لآخره كله جهاد. لازم نوطن نفسنا على الصبر. ومن جاهد انما ومن دية يعني مطلقة يعني ابو بكر صحابي جديد كله تربية نفسية ان الكل لازم يتكسر لله والكل لازم يوطن نفسه ان هو - 00:07:54 صعب عشان ربنا وطني نفسك ان الطريق ده طريق كفاح وصمود. ومن جاهد فانما يجاهد لنفسه. ان الله لغني عن العالمين. طب ليه ربنا ما قالش ان الله لغني عن المؤمنين. العالمين دول شملوا المؤمنين وشملوا الملائكة وشملوا يعني زي ما اقول لك كده هو ربنا محتاج حملة العرش عشان يشيلوا العرش. طب لما بيموت حملة - 00:08:14

ها لما بيموتوا آآ في اول القيامة لما حملة العرش بيموتوا مين اللي بيحمل العرش؟ ان الله لغني عن العالمين. ان ربنا غني عن الجميع هل تعتقد ان الله يحتاج اي احد في اي شيه. وكل شيه يحتاج الله في كل شيه. ولا والله لا يحتاج اي شيه في اي شيه. تعالوا بقى - 00:08:34

نبدأ مع بعض مرحلة جديدة في الصورة يا جماعة. هتبدأ الصورة تتكلم هنا عن مشاكل الملتزمين. هتبدأ الصورة هنا تعالج المشاكل اللي مقابلك في حياتك. والمشاكل اللي مقابلك في حياتك هنتكلم هنا يعني من سنين من وانا طالب في الكلية. وانا نفسي اعمل موسوعة اسمها موسوعة مشاكل الملتزمين. ليه؟ وانا طالب في الكلية عندي - 00:08:54

مشاكل مش عارف اجمع ما بين الدراسة وما بين الانطلاق في التربية والدين مش عارف اجمع ما بين ديني وما بين الدراسة. فكانت ازمة وانا في الكلية ممكن مسلا اهلي في البيت يعني معترضين على التزامي. طب اعمل ايه مع امي وابويا؟ اعمل - 00:09:14 ايه؟ ابرهم ازاي؟ وفي نفس الوقت اشوف ديني ازاي؟ ولما يقولوا لي ما انتش نازل درس اعقهم وانزل ولا اسمع كلامهم وديني يروح ولا اعمل ايه وفي نفس الوقت انا شاب ملتزم. لسة ملتزم بقى لي سنتين تلاتة. انا لسة جوايا اهواء من بتاعة زمان ولسه معروض علي معاصي من بتاع زمان. طب اعمل ايه مع - 00:09:29

الاهواء اللي موجودة جوة قلبي والشهوات اللي موجودة جوة القلب. وفي نفس الوقت انا عايز انطلق في الدين بس مش عارف مش لاقى خط سير. طب اجيب خط سير مين؟ طب - 00:09:49

وبعرف مراد ربنا مني ازاي؟ طب اعرف ربنا الاحب اليه دلوقتي اني ازاكر دراسة ولا ان انا ازاكر دين ولا ان انا اشتغل في الدعوة؟ اعرف مين مراد ربنا مني ايه؟ طب - 00:09:59

دلوقتي انا مش لاقى صحبة سالحة. اجيب صحبة مين؟ انا عايز صحبة. انا عايز حد يشجعني. انا عايز صحبة وبيئة ايمانية بحق وحقيقي. عايز حد يشجعني. وفي نفس الوقت انا - 00:10:09

انت شايف الواقع كله بيخبط في بعضه وده بيشتد في ده والجماعة دي بتحارب في الجماعة ديت. هو مين الصح؟ ولا مين الغلط؟ ولا كله غلط؟ ولا كله صح؟ طب امشي مع مين - 00:10:19

فبسمع كلام مين؟ طب مين صاحب دول عشان امشي؟ آآ معه واسمع كلامه. وفي نفس الوقت اهل الباطل بيهددوا الملتزمين. واللي بيلتحي بيتحارب. طب طب اخاف ولا ما اخافشي ولو خفت ابقى منافق ولا ما ابقاش منافق؟ وفي نفس الوقت اصحاب القدام بيحاولوا يرجعونني. طب اعمل معهم ايه؟ طب انزل ادعوه - 00:10:29

طب انا قلبي بيتقطع لما بشوفهم وانا ما بكلمهم مش في الدين. وبحس ان انا مقصر. يا اخوانا الواحد كان عايش في صراع نفسي مهول. مهول. فكان نفسه ان في يوم من الايام يبقى فيه حاجة اسمها موسوعة مشاكل الملتزمين. ان الملتزم بيعيش ضغط نفسي

مهول. ضغط نفسي جبار. في حياته. ما هو - 00:10:49

مش عارف يعمل ايه ما هوش عارف يوصل لربنا ازاى مش عارف يتعامل مع المشاكل اللي موجودة في الواقع مش عارف لو وقع في معصية سر يعمل ايه. مش عارف ما ما الذي يستطيع ان - 00:11:09

فسبحان الله العظيم حتى رزقني الله صورة العنكبوت. ولقيت ان سورة العنكبوت هي موسوعة مشاكل الملتزمين. عشان كده انا هاحاول يا جماعة وانا بتكلم معكم في المشاكل بتاعة صورة العنكبوت ان انا ابقى عملي. ان انا اديكم تصور عملي للمشاكل. اول

مشكلة هتقابلنا الوقتي مشكلة الام والاب. مشكلة الوالدين - 00:11:19

طب ليه ربنا اول مشكلة جت في السورة هي مشكلة الوالدين؟ لانهم اكثر واحد ناس بيحبوك وبيحبوك اوعى تفتكري انهم حبسوكي ورفضوا النقاب او تحاربوه رفضوا اللحية او حاربوك في التزامك او منعوك من الدروس اوعى تفتكري لانهم بيكرهوكم. ده هيموتوا عليكم. ده بنحبهم فيكم. دول اكثر اتنين بيحبوكم في - 00:11:39

الدنيا كلها فانتم بالنسبة لكم بالنسبة لهم مشروع عمرهم. عشان كده ربنا بيقول وان جاهداك لتشارك بي جاهداك. الجهاد ده حياة او موت. انت بالنسبة له وابوك قضية حياة او موت انت مستقبلهم وماضيهم. وحاضرهم انت مشروعهم اللي عايشين عشانه. عشان كده سبحان الله العظيم يعني الايات فعلا نحاول - 00:11:59

نتكلم يا جماعة في من خلال الايات في قضية الوالدين في قضية نعمل ايه مع مشكلة الام والاب اللي جت اول مشكلة لان هم اكثر ناس بيحبونا فاكتر ناس بيحاربونا الجهاد يعني قتل وموت يعني يعني هم يعني مش متخيلين كمية الخسائر اللي ممكن بتيجي في حياتنا بسبب حربهم للالتزامنا - 00:12:19

فاكرين ان هم بيبيدوننا ومش عارفين انهم بيحطمونا. ومش عارفين ان هم بيقفوا في طريق اعظم حلم لنا في حياتنا ومش عارفين ان هم بيدمروا نفسيا وبيخلونا لا عارفين نعمل دنيا ولا عارفين نعمل دين. بسبب خوفهم علينا. يعني عواطف الام والاب في اللحظة دي محتاجة انها تتقوم اصلا - 00:12:39

ولكن كل ده بسبب خوفهم. طب تعالوا بقى اما نشوف هذه الايات موسوعة مشاكل الملتزمين تبع ايه يا شباب؟ انا كلمتكم عن ست انواع من التربية قلت لكم التربية النفسية والتربية - 00:12:59

عقلية والتربية الفكرية والتربية الاجتماعية والتربية القلبية والتربية الشخصية الحياتية. قلت لكم دول ست انواع من التربية. الملتزم والملتزمة اللي مش متربي عليهم ده مش مش ما يعرفش يعيش. ما يعرفش يتجوز. ما يعرفش يدخل في فريق وعمل جماعي. ما يعرفش يفيد دينه وامته. ما يعرفش - 00:13:09

صح اللي مش متربي الست انواع دول. اللي ما عندوش التربية النفسية اللي تخلي نفسيته عندها صمود وقوة. وفي نفس الوقت سبات مش زبزة. وفي نفس الوقت مرونة مش الصدامية اللي عقليته واسعة عارف يتعامل مع الحياة ازاى صح. اللي عنده آآ تربية شخصية. شخصيته حلوة. شخصيتها ناضجة. يقدر يقدر يكسب - 00:13:29

الناس ويقود الناس الى الله اللي عنده تربية اجتماعية. يعرف بيني اسرة. يعرف يربي عيل. تعرف تقود بيت. معه رخصة قيادة اسرة. مش رخصة قيادات عربية مش متعلمة فيزياء وكيميا في المدرسة وما هيش عارفة تتعامل مع جوزها ازاى. بتخرب البيت لو هي لو حد تزوجها او هو يخرب البيت. آآ دي - 00:13:49

قطاع التربية. انا عايزكم تقولوا الوقتي مشاكل الملتزمين. تبع انهي نوع من انواع التربية؟ يعني اللي يكتب الوقتي بقى يكتب على انت التربية الاجتماعية غلط انا الوقتي اه اه دكتور محمد ينقل لي الاجابات بتاعتكم وانا مش شايف مين اللي بيكتب. التربية الاجتماعية غلط - 00:14:09

تربية نفسية غلط ها خايفين تكتبتم؟ تربية قلبية غلط تربية فكرية غلط تبع التربية العقلية. تبع التربية العقلية يا جماعة لان تسعين في المية من مشاكل الملتزمين لا سببها. اصل في اخوة اللي قال - 00:14:26

التربية القلبية دي انتم عارفين انا من غير ما اعرف هي مين. هي عايشة في بيتها في دور احد احد. ابوها يبجي يكلمها احد احد. يا

بنتي اقسام بالله معزم مشاكلك مع امك وابوك. مشاكل زكاء - 00:14:50

ما هي مشاكل لاحد احد ييجي مشكلة الاخوة شوفوا تناولوها زي كلية التربية الاجتماعية تربية مش تربية عقلية عقلية التعامل مشاكل الحياة انت احيانا تلاقي انسان في حياته مشاكل ومع ذلك بيضحك ومبتسم ليه هو عاقل هو فاهم ان لازم الدنيا فيها مشاكل وفاهم انه هيتعامل مع المشاكل بحكمة وفاهم ان المشكلة مش - 00:15:00

بتتحل بالنوم وليلة. وفاهم ان مش حل المشكلة ان انا انكد على نفسي واحبط نفسي واحطم نفسي. وفاهم ان طريقة التعامل مع المشاكل عايزة تركيز وهدوء انسان عاقل. معزم مشاكلنا يا جماعة معزم مشاكل الملتزمين والملتزمات بسبب التربية العقلية ان هو مش عاقل. عشان كده هنبداً - 00:15:20

هنتكلم في حاجات يعني ايه واحنا ماشيين كده تبع التربية العقلية. كيف نتعامل مع هذه المشاكل؟ طيب قال تعالى اية سبعة وتمانية وتسعة والذين امنوا وعملوا الصالحات. ركزوا معي اية سبعة عاملة زي اية تسعة بالظبط. والذين امنوا وعملوا الصالحات دي بداية اية سبعة. وهي بداية اية تسعة والذين امنوا وعملوا الصالحات برضو. والذين امنوا وعملوا الصالحات - 00:15:38

المكفرن عنهم سيئاتهم ولنجزينهم احسن الذي كانوا يعملون. دي اية سبعة. طب اية تسعة والذين امنوا وعملوا الصالحات برضو. لندخلهم الصالحين. يبقى اية والذين امنوا وعملوا الصالحات واية والذين امنوا وعملوا الصالحات وما بينهم ووصينا الانسان بوالديه. يبقى الوالدين جم اول - 00:15:58

اول فتنة وجم ما بين امان وعملوا الصالحات وامن وعملوا الصالحات. طب ليه قبلها امان وعملوا الصالحات وبعدها امنوا وعملوا الصالحات؟ رقم واحد لان فتنة الوالدين بالزات بالزات فتنة الام والاب. لو قلبوا على ابنهم او بنتهم بيشلوا له حياته. ليه؟ لان اصحابي هيقفلوني هغير محمولي - 00:16:18

اعمل ودن من طين وودن من عجين واحود من الشارع اول ما اشوف صاحبي جاي من بعيد. انما امي وابويا اروح منهم فين؟ ده دول في البيت اللي ربنا سماه السكن. طب هروح فين - 00:16:38

وفي نفس الوقت بتبقى الحرب شعواء. ليه؟ لان بكل العاطفة الحب اللي في قلوبهم بيحاربوا التزام ابنهم لانهم خافين عليه. فاوّل حاجة لان لو ما فيش بالزات كبير قوي من الايمانيات والعمل الصالح الملتزم لو امه وابوه حاربوه هيبهدلوه وهيتشل وهيقف. فجت قبلها امن واعمل - 00:16:47

وبعدها امن واعمل ايه اعمال صالحة. السبب الثاني اول حاجة الثانية ان انت يعني في مسل هذه الفتن الصعبة لن تثبت الا لو شحنت شحنا عظيما. فتنة صعبة مش هيسبت فيها غير - 00:17:07

اللي هيتشحن. يبقى مش حل الوالدين ان انا اسمع كلامهم ان انا ابطل دروس وابطل سماع شرايط وابطل صحة ملتزمين. انت لو عملت الكلام ده ما عدتيش هتبقى ملتزم اصلا. انت لو كان ملتزم - 00:17:21

سمعت كلام اهلها في الكلام ده وضاعوا التزامها. وبيعتوا دلوقتي مشاكل مش عارفة ارجع زي ما كنت. ما انت اللي سمعت انت مين قال لك ان ده بر الوالدين؟ انت هكذا - 00:17:31

امك وعققت ربك. لأ بر الوالدين الذي لا لا تعقي في دينك. يبقى يبقى الحاجة الثانية ان ما فيش سبات الا لو في شحن عالي يبقى يا جماعة مواجهة مشاكلنا من غير عبادة مش مواجهة مشاكلك ومعوقات الالتزام اللي في طريقك من غير حضور دروس وصحة صالحة مش هتنفع - 00:17:41

الحاجة الثالثة ان آآ ان يعني قبل الفتنة قبل فتنة الوالدين امنوا وعملوا الصالحات. طب بعد فتنة الوالدين امنوا وعملوا الصالحات ازاى تخرجي من الفتن زي ما دخلتها ازاى تخرج منها زي ما دخلتها؟ متدين ملتزم. ازاى مشاكل

الملتزمين وموسوعة مشاكل الملتزمين دي ما تأثرش على ايه؟ على - 00:18:01

دينك وعلى التزامك يبقى دي التلات حاجات في ليه قبلها امنوا وعملوا صالحات وليه بعدها امنوا وعملوا الصالحات. طيب تعالوا بقى ما نمسك الايات والذين امنوا وعملوا الصالحات لنكفرن عنهم سيئاتهم ولنجزينهم احسن الذي كانوا يعملون. يعني ايه لنجزينهم احسن

الذي كانوا يعملون؟ كلمة عالية اوي. يعني - 00:18:23

يعني سنجازيهم على كل عمل باحسن مستوى وصلوا له. بتعبير ابن عاشور لنجزينهم عن اع صالحتهم جزاء احسن صالحتهم. يعني ايه؟ يعني انت قمت الف ليلة. بازن الله طبعاً يعني بازن الله سبحانه وتعالى. اعلی - 00:18:43

ليلة قمتها في يوم اني بكيتي وتوسلت وتضرعت وطولت وسجدتي وقمت ورتلت اعلی ليلة فيهم تتحسبي ان الالف ليلة هم دول كلهم بخشوع ازاي؟ ده ده يا ندمك بقى - 00:19:03

يا ندمك ساعتها لو كنت ما لقتيش قلبك في قيام الليل فسبتيه لانك مش لاقية قلبك. وانت مش عارفة ان كل ليلة ما كنتيش لاقية فيها قلبك كنت هتتحاسبي بين ايدين ربنا عليها بمستوى اعلی ليلة اللي انت فيها قلبك. يا ندمه اللي ساب جلسة الضحى لانه مش لاقى قلبه فيها. لما يكتشف يوم القيامة ان - 00:19:18

الف جلسة ضحى ما انتش لاقى قلبك فيها كت هتأخذ عليها سواب الف جلسة اعلی جلسة ضحى قعدتها فيها ونزلت من عينك دمة من خشية ربنا وانت بتزكره هتأخذ سواب الالف على سواب هزه. يا ندم - 00:19:38

العمل الصالح لانه ما لقاش قلبه فيه. يا ندمه اللي ماشي ورا قلبه لقيت قلبي في القيامة قم ما لقتش قلبي اسببه. لقيت قلبي في الصيام اصوم ما لقتش قلبي اسببه - 00:19:52

وفي النهاية هتلاقي راح عليك سواب مهول ولنجزى انهم احسن الذي كانوا يعملون. ووصينا الانسان بوالديه حسناً. يعني هم

بيحاربوني وربنا بيوصيني عليهم. هو ده الدين يا جماعة. ووصينا الانسان - 00:20:02

انا بوالدي آآ في ناس تقول لك ايه ووصى الله الابن بوالديه ولم يوصي الوالدين بالابن. الكلام ده غلط يا جماعة. ربنا وصى الوالدين الابن قال تعالى يوصيكم الله في اولادكم يوصيكم اه ده بعدها للذكر مثل حظ الانثيين طب ما تأخذ عموم الجملة وبعد كده خصصها

- 00:20:17

يوصيكم الله في اولادكم خذها على العموم سم التخصيص في مسألة الميراث يوصيكم الله في اولادكم. الام والاب متوصين بولادهم في دينهم وتربيتهم والابن متوصي ووصينا الانسان بوالديه. الباء هنا بقى المصاحبة. يعني لازم امك وابوك دول يبقوا

اصحابك. اصحابك تعيش معهم وتقوم تجيب الهدوم - 00:20:37

من على الغسيل وتقوم جايب البناتيل بتاع والدك كويها. من غير ما هو يطلب. وتقوم بالليل جايب الجزمتين بتوعهم لمعهم له. آآ يصحى يلاقىهم متلمعين. آآ امي وتقومى تحطى الغسيل في الغسالة والدتك تصحى تلاقى الغسيل خلص. آآ وتقومى تنظفي الشقة

وتقومى انت داخل المطبخ مشطب المواعين. احنا كنا بنعمل كده واحنا واحنا - 00:20:57

آآ واحنا ملتزمين في الكلية لاهالينا. بنعمل كده. آآ وتقوم الكلام ده اعمله زي بر واول ما ابوك يقول حاجة وانت في عز النوم. يعني آآ انا يعني كان منا والله يا جماعة اللي كان ابوه يناديه يعني يقول سمعنا واطعنا. هو هيموت مش قادر عايز ينام. ولكن هو مستشعر ان

الذي يناديه هو الله. مش امه وابوه - 00:21:17

سمعنا واطعنا. انزل هات عيش حاضر خدام. خدام لامي وابويا وخدام متطوع وخدام متفاني. ومن قبل ما يطلبوا الطلب. انا ايه باعمل لهم كل حاجة حاجة وباصحابهم وباتكلم معهم. مش بعد ما تتجوز تزور والدتك يبقى ميعاد الساعة الكئيبة بقى اللي انت

بتعملها اداء واجب. قاعد مع مراتك ترغو في كل - 00:21:37

وتروح لامك وابوك تقعد بقى ايه الصمت يطلع عليك وما انتاش لاقى الموضوع لأ اتكلم وانغشهم وناكشهم وهات كلام وافتح مواضيع واقعد لحد ما يبقوا اصحابك. وتبقى صاحبهم. ووصينا الانسان بوالديه حسناً. طب ما معنى كده يا عم الشيخ ان انا اضيع ديني ليه؟

ما هم بيقولوا لي ما تحضرش - 00:21:57

في دروس وما تصاحبش اللي انت مصاحبهم. الاتنين دول يا حبيب قلبي لو انت سمعت فيهم كلام امك وابوك انت ضعت. يعني انت عارفة لو قالوا لك انتقبي ما تنتقبيش وانت - 00:22:17

أتأخرتوا شوية في النقاب. يعني ان شاء الله هتتحل لان في ابواب عبادة تانية ممكن تعبدى ربنا بها اما ربنا يفتح لك باب حجاب

امهات المؤمنين. انما ما تصاحبش الصلبة التزامية - 00:22:27

ومات وما تحضرش الدروس في المسجد اللتين دول عليه العوض. وما تروحش تحفز القرآن مع الصلبة اللي انت بتحفظ معها او المحافظ اللي بتحفظ معه يبقى انت كده ضائع. عشان كده يا جماعة - 00:22:37

وصلنا الانسان بوالديه ايه؟ حسنا مش احسانا فيه فرق بين الاحسان والحسن. فيه فرق بين الاحسان والحسن. الاحسان لا يحتمل الا القبول. يعني لما يطلب منك لا يحتمل القبول. انما الحسن انا ممكن اقول لأ بس بجمال - 00:22:47

الحسن فيه جمال. يعني ايه؟ الاحسان مهما طلبه منك في الدنيا احسن اليهم. انما الحسن افرض طلبه منك في الدين حرام لأ يبقى عشان كده ربنا بيقول ايه؟ وان جاهداك هيولعوا البيت نار عليك. هيعملوها حريقة هيعملوها حياة او موت. وان جاهداك بس اللي هيتقتل في المعركة دي - 00:23:00

خافي على دينك. وان جاهداك. يعني نار يا جماعة نار. لتشرك بي العاقبة انك انت خلاص سيب الطريق ما ليس لك به علم فلا تطعهم. ربنا اللي قال لك طاعة الوالدين وبالروم هو اللي بيقول لك هنا ما تطيعهمش. ما تضيعش دينك. لما الغلام راح للراهب فاهله بدأوا يضربوه يضربوا الغلام - 00:23:20

ابراهيم قال له اذا اتيت اهلك فقل حبسني الساحر. واذا اتيت الساحر فقل حبسني اهلي. طب ما هو كده بيكدب. ما هو البديل ان دينه هيضع البديل ان دينه هيضع. يعني ممكن حتى يعرض. انا نازل رايح درس. هو ممكن فاكرين درس ديني دنيوي وانا نازل درس ايه؟ ديني. انا نازل ازاكر مع اصحابي. هو ممكن هيزاكر - 00:23:40

علم شرعي وهم فاكرين انه هيزاكر علم دنيوي. انما الراهب ما قالوش ما تجيليش ليه؟ لانه لو ما جالوش كان دينه ضاع. ما كانش كمل من غير مربى من غير صلبة من غير دروس. من غير - 00:23:58

محفز قرآن هذه الشخصيات. كل واحد منكم وكل واحدة منكم غيابه في حياته معناه ان في عمود من عواميد عمارة الدين في حياتك واقع لازم كل واحد منكم يبقى في حياته محفظ قرآن مربى صلبة سالحة آ داعية بيحضر له الدرس بتاعه لازم يبقى يبقى في كل واحد - 00:24:08

مننا في حياته هذا هذه الياه؟ هذه الادوار وان جاهداك لتشرك بما ليس لك به علم فلا تطعهم. في الدين لأ. في الدين لأ ده لو قال لك ما تصليش السنة ما تسمعش كلامه - 00:24:29

السوق ليه؟ لان ده ربنا ده ما لوش دعوة يا جماعة، ده منهج حياة، ما لوش دعوة بالبر والعقوق. البر اخدهم اكلهم اغسل لهم انضفهم لهم آ عمل خد مداس لهم يشتموني واسكت! ده البر انما البر انقطع عن الدين اقطع الحبل السري اللي بيني وبين الدين هذا ليس هو - 00:24:42

آ فلا تطعهم الي مرجعكم فانبتكم بما كنتم تعملون. فانبتكم بما كنتم تعملون. يبقى هنا احنا وقفنا مع لفظ شهداك وقفنا مع لفظ حسنى وقفنا مع لفظ صاحبهما. وقفنا مع لفظ فلا تطعهم. وقفنا مع الباء في آ آ بوالديه - 00:25:02 يعني كل دي دلالات على آ عظمة البر وفي نفس الوقت مع ايه؟ مع آ عدم تضيق دينك. عظمة البر ازن الكلام اللي انا قلته كلامه ما تشيليش في نفسك بقى اما والدتك تقول هادعي عليك وانت النقاب اللي انت جبتة لنا وربنا ما ينتقم منك كل ده الله لا يستجيبه. ليه؟ لان - 00:25:22

هي بتحاربك في دينك كده! طيب في نفس الوقت خلاص يبقى ام ابويا بيحاربوني في دينهم! لا صاحبهما في الدنيا معروف. لا. آ ووصينا الانسان بولديه حسن دول كفرة فما بالك بمسلمين ولكن خافين - 00:25:42

ده دول كفار وربنا قال وصانا الانسان بوالديه حسنا. يبقى يبقى اذا يجب البر ولكن نفهم ان البر مش في منهج الحياة. البر مش في النقاب البر مش في اللحية - 00:25:56

البر مش في صلاة الجماعة البر مش في حضور درس. طيب الوقتي يبقى اذا انا هعمل كده. طب افرض ده ادى الى اصطدام لأ لازم تعرض. يعني يعني دايم اقول لاخواني - 00:26:06

اللي له صاحب صالح. خايف على انه يفقده ما يكلمش اهله في البيت عنه. ما ترجعيش بقى البيت. يا ماما ده انا صاحبتى مسلا مروة ملتزمة ومتدينة اول ما والدتك هتتضايق منك مروة دي تقاطعيها. ليه؟ لانها هتحس ان هي بقى اللي شداكي في الدين وهي انت مسلا صاحبك مسلا محمد ده محمد ده ان شاء الله زالت يا ابني ما تتكلمش - [00:26:16](#)

لما يكون فيه شيخ او مربى ربنا رزقه لك ما تتكلمش عنه في بيتك انا بقول للاخوة المتجوزة مش الاخوة اللي مع امها وابوها اقول لهم لما يكون في اخ انت شغال معه في الدعوة كتير ما تجيبش سيرته في البيت. عشان ما ينفسنوش منه - [00:26:36](#)
تقولوا هو ده اللي واخد منا آآ فلان. يعني يا جماعة اتعلموا الحياة. يبقى فيه حاجة في العلاقة بالوالدين اسمها التعريض. انا نازل رايح درس. انا نازل ازاكر والتعريض آآ في حاجة ولو ان حديس الغلام كان فيه كذب. يعني الراهب قال له اكذب. انما احنا هنقول هنا التعريض. اللي فيه حاجة تانية - [00:26:53](#)

اسمها عدم ذكر الصلبة في البيت. يعني عارفين لما واحد يكون متجوز واحدة ومبسوط منها يروح لوالدته. ده ما شاء الله! ده فلانة دي امة تقوم غايرة منفسنة تقوم مولعة حريقة عليه. يا ابني ما تشكرش في مراتك قدام والدتك. ما تجيبش سيرة مراتك قدام والدتك - [00:27:13](#)

من مراتك ماشي. طلع ضيقك من وراها. انما مبسوط منها اوعى تقول انها بسطاك او انها طابخة لك حلو ليه ؟ لانك بتستسير نفسيته اللي قدامك. واخدين بالكم معي يبقى فيه - [00:27:33](#)

حاجة اسمها ما تجيبش سيرته ما تجيبش سيرة آآ صاحبك اللي شغال معك في الدعوة قدام مراتك. رقم اتنين ما تجيبش سيرة مراتك قدام والدتك. رقم ثلاثة ما تجيبش سيرة المراد - [00:27:43](#)

بتاعك والصحة الصالحة بتاعتك قدام والدك ووالدتك. فهتمم التلات قواعد دول؟ خليك بقى طبقوا الله يعينكم. ده دي حكمة اللي مش هيطبقتها ان شاء الله بازن الله هيتعلم بس بخبرة الايام بقى هيتعلم بس لما ايه لما يدوق بقى يبقى يبقى ازا في حاجة اسمها ما تتكلمش بحيس ان ايه مش اه نازل اه ده زمنه راح لفلان - [00:27:53](#)

هو عنده غيره ده زمانه مش زمانها مش عارف قاعدة مع فلانة هي عندها غيرها. لأ يبقى احتسب للايام الجاية. طيب وفي ايه تاني مع الوالدين؟ في حاجة تالته اسمها عدم - [00:28:13](#)

التأسر النفسي بموقفه من الدين. يعني ايه ؟ يعني هم دلوقتي بيحاربوك في التزامك. ها ما هيحاربوك بايه ؟ هم فاهمين ان بر الوالدين ده حته قوية اوي في الدين - [00:28:23](#)

يبدأوا بقى يحاربوك بها. انت كده عاق. مش راضيين عليك. هو ده الدين. هو ده بص كل ده ما هواش مش موضوع. طب النقطة الرابعة بهم بقى في آآ ما يحبونه. يعني ما تخليهاش كلها كده كاروهات خلي حته بمبي. ايه ما يحبون انك تخدمهم وتنفاني في خدمتهم - [00:28:33](#)

طلبهم بعد فترة يكتشفوا ان انت اطوع واحد لهم. والحاجة التانية في المزاكرة في المزاكرة انك انت لما باقول للاخوة دايم اللي عندهم مشاكل مع اهلهم زاكروا في الصالة يقول لي مش عارف. اقول له يا ابني زاكر في الصلاة - [00:28:53](#)

يا ابني سبت ساعتين كده تقعد في الصلاة كده بقى حتى لو ما انتش مركز. اقعد بس في الصلاة وركز. ارضيهم. خلي الساعتين دول بر والدك. ها يعني يبقى حتى لو سبعين في المية تركيز - [00:29:05](#)

يبقى اعمل اللي هم بيحبوه بقى برهم في البر الحقيقي. خلاص؟ الحاجة الخامسة اصبر. لو اتحاربت اصبر. يعني كل التيار الاسلامي اتحارب. ولكن في هي يعني ربنا سبحانه وتعالى بيفتح على قد ايه ؟ على قد الصبر - [00:29:15](#)

دي بعض الحلول العملية في قضية بر الوالدين غير حته الدعاء والاجتهاد في الدعاء. وزى ما قلت لكم عدم التأسر النفسي بكلامهم ان ما تخافش ربنا مش غضبان عليك ما تقلقش ربنا مش غضبان عليك. ما تقلقش بس ارضيهم في البر الحقيقي. في البر الحقيقي في امور الدنيا. رقم سبعة بقى وتمانية اللي هو دعوتهم. ان ما - [00:29:29](#)

حتة الدعوة الى الله معهم. ما تنسوش مسألة الدعوة الى الله معهم وفرج ربنا يعني بيبجي في اي وقت. الكل ربنا يفرجها عليه.

والذين امنوا وعملوا الصالحات لندخلنهم في الصالحين. فيه فرق بين كلمة عملوا الصالحات وبين كلمة الصالحين. الصالحين اللي وصلوا الذين صلحوا لجوار الله في - [00:29:49](#)

الاعلى. امال عملوا الصالحات؟ لأ مش كل واحد عمل الصالحات وصل وبقي صالح. فممكّن واحدة بتعمل الصالحات وقلبها مليان شهوات وشبهات وعندها مشاكل. ويبقى عملوا الصالحات معناها ماشي على الطريق. انما الصالحين اللي وصلوا. قربنا قال هنا بشرى مهولة يا جماعة. قال والذين امنوا وعملوا الصالحات. اللي مات على الطريق وما وصلش - [00:30:09](#)

لندخلنهم في الصالحين هيعاملوا معاملة اللي وصل. يا ربي! طب البشرى المهولة دي جت بعد اية الوالدين ليه؟ عشان حاجتين الحاجة الاولانية ان الوالدين دول احب ناس اليك في الدنيا. فلما خسرتهم بسبب دينك. لما خسرتهم بسبب دينك. قربنا قال جزاء من جنس العمل. انت خسرت - [00:30:29](#)

احبابك بسبب الالتزام هعوضك احباب اشد حبا لك منهم. يبقى لو اتخليناهم في الصالحين هعوضك الانس. الوحشة اللي انت لقيتها بسبب ان الاحباب سابوك هعوضك بها انس يبقى جزاء من جنس العمل. طب والمعنى الثاني؟ المعنى الثاني يا جماعة ده معنى مهول. يعني انا لو كنت فاهمه ايام الكلية اعتقد ان يعني اعتقد ان - [00:30:49](#)

هيفرق معه كتير اوي. ان الوقتي لما تلاقي والدك والدتك مشاكل وتعارض آآ بين الدراسة والمشاكل والدنيا والفتن والشهوات القديمة ومعصي السر اهو تلاقي كل كل ده فانت في النهاية بعد كل ده انت سرعتك في الطريق الى الله بقت بطيئة. انت تتخيل مسلا لو كان والدي ووالدي مش معارضين ده انا كان زمني طلقة. لو كان ما فيش مشاكل - [00:31:09](#)

ده انا كان زمني طلقة لو كان ما فيش دراسة ده انا كذا ولي طلقة فانت شايف ان المعوقات دي مع الطلاق. فكأن ربنا بيقول ابشروا يا جماعة. المعوقات دي بتبطأ سرعتك في الطريق شوية - [00:31:29](#)

بدل ما كنت هتمشي على صورة متين كيلو في الساعة ماشي على سرعة عشرين كيلو. ولكن مجرد انك على الطريق لو مت وانت عليه هتعامل معاملة اللي وصل المهم انك على الطريق عشان كده - [00:31:39](#)

يا ندمه يا ندم اللي ساب الطريق بسبب انه محبط. وبسبب انه قال انا مش هقدر اوصل. فقام سايب الطريق. انا دلوقتي قلت يا ندمه مرتين. مرة من اية سبعة ومرة - [00:31:52](#)

الاية تسعة. يا ندموا من اية سبعة يا ندم اللي ساب عمل صالح لانه قال مش لاقى قلبي. لما ييجي يوم القيامة يلاقي ربنا هيكان بكل الاوراد اللي عملها ومش لاقى قلبه فيها باجمل ورد مرة عمله في يوم من الايام كان لاقى قلبه فيه. يا ندموا. والثاني يا ندموا - [00:32:04](#)

اللي ساب الطريق بسبب انه احبط وقال مش هقدر اوصل. ومش هقدر اعمل حاجة. يا ندمه. يا ندمهم يا جماعة. يعني ديت ايات حاولنا ان احنا نتناول النهاردة اول مشكلة - [00:32:24](#)

في موسوعة مشاكل الملتزمين وهي مشكلة والوالدين. آآ ان شاء الله بازن الله. آآ المرة الجاية بقى من اول آآ ومن الناس من يقول امنا بالله. يبقى دي ان شاء الله بازن الله لقاء سبعة بقى من اول لقاء سبعة بقى القادم بازن الله ان شاء الله بازن الله آآ من اول - [00:32:37](#)

ومن الناس من يقول امنا بالله اه اه فاذا اودي في الله جعل فتنة الناس كعذاب الله. اه اه الشعار بتاعنا المرة الجاية بازن الله سبحانه وتعالى. وليعلمن الله الذين امنوا وليعلمن المنافقين. الشعار بتاعنا المرة الجاية بازن الله سبحانه وتعالى وليعلمن الله الذين امنوا - [00:32:57](#)

ليعلمن المنافقين ده الشعار بتاعنا في الجولة بتاعتنا المرة الجاية ان شاء الله. واحنا بنتكلم عن باقي موسوعة مشاكل آآ الملتزمين. آآ ان شاء الله يا جماعة آآ عايزين آآ يعني - [00:33:21](#)

يعني نشد حيلنا كده. الوقت المفروض ان انا معي آآ طلبة وطالبات. سنة تانية وسنة اولى. ها آآ زائد بعض اخوانا اللي مش معنا في المعهد. اتمنى ان احنا نشد حيلنا. ان شاء الله بازن الله - [00:33:34](#)

الفترة الجاية خلاص دكتور محمد عبدالرحمن ودكتور محمد جودة. خلصوا امتحاناتهم اللي كانت عندهم في الماجستير. آآ آ ان شاء الله بازن الله انا برضو عدت مرحلة بقى ايه عشر ذي الحجة - [00:33:44](#)

والعيد الكبير والحاجات اللي كانت بعدها. فضل ومنة الله سبحانه وتعالى. يعني الدنيا ان شاء الله تنطلق بقى الفترة الجاية بازن الله وحده. عايزين نستأنف موضوع الورش. عايزين نستأنف موضوع الاجتهاد - [00:33:54](#)

المسكرات اللي انتم بتعملوها بتاعة سنة اولى وسنة تانية عايزها توصل لي عشان ابدأ اشوف درجة عمل هذه الامور. آآ مسألة حفظ القرآن مسألة الاجتهاد في الدين يعني اتمنى ان ربنا يسدكم كده ويبارك فيكم. ان شاء الله بازن الله هيبقى فيه شوية فعاليات ادارية في الايام القادمة. ان شاء الله عشان نبدأ بقى نستقيم كده لان سنة - [00:34:04](#)

اولى وسنة تانية في امور ادارية كثيرة محتاجة انها تترتب معهم الايام القادمة. يا ريت يا جماعة نقوم الليل بصورة العنكبوت. يا ريت يا اخواننا نقوم الليل بالصور اللي احنا بناخد شرحها - [00:34:24](#)

والايات اللي احنا بناخد شرحها عشان نرتبط بالقرآن ونتصل بكتاب الله سبحانه اللهم وبحمدك اشهد ان لا اله الا انت استغفرك واتوب اليك - [00:34:34](#)